

Siunnersuut uunga: Imigassaq pillugu Inatsisartut Inatsisaat nr. xx, xx. xx 2018-imeersoq

Kapitali 1
Inatsisip atuutsinneqarfia

§ 1. Inatsisartut Inatsisaanni matumani pineqarput imigassanik aalakoornartortalinnik tuniniaanerit aamma imigassartortitsinerit tamarmik.

Imm. 2. Taamatuttaaq angerlarsimaffinni imigassanik aalakoornartortalinnik imigassaliortarneq Inatsisartut Inatsisaanni ilanngunneqarpoq.

Imm. 3. Nunanut allanut timmisartuussinernut atatillugu mittarfinni akitsuuteqanngitsunik tuniniaanermut Inatsisartut Inatsisaat atuutinngilaq.

Nassuaatit

§ 2. Inatsisartut Inatsisaanni matumani "imigassatut aalakoornartortalittut" taaneqartut tassaapput imigassat suulluunniit tamarmik 2,25 volumenprocentimik qaangerlugulu aalakoornartumik akullit.

Imm. 2. "Tuniniaaneq" tassaavoq akiliisitsilluni imigassanik aalakoornartortalinnik tuniniaaviup avataani imerneqartussanik atuisartumut tunniussineq.

Imm. 3. "Imigassartortitsineq" tassaavoq sassaalliateqarfimmi imaluunniit tamatuma eqqaani imerneqartussanik imigassanik aalakoornartortalinnik akiliisitsilluni sassaalliateqarneq.

Imm. 4. Inatsisartut Inatsisaanni matumani "imigassaq pillugu akuersissut" imaluunniit "akuersissut" tassaavoq imigassanik aalakoornartortalinnik tuniniaasinnaanermut imaluunniit imigassartortitsisinnaanermut akuersissut.

Imm. 5. Inatsisartut Inatsisaanni matumani "ataasiaannartumik atuuttussamik akuersissut" tassaavoq ataasiaannartumik tamanut ammasumik aaqqissuussamik ingerlatsinermut atatillugu imigassanik aalakoornartortalinnik imigassartortitsinermut akuersissut.

Imm. 6. Inatsisartut Inatsisaanni matumani "takornariat pillugit akuersissut" tassaavoq takornarianik sullissinermut atatillugu sumiiffimmi inuit najugaqarfiginngisaanni imigassanik aalakoornartortalinnik imigassartortitsinermut akuersissut.

Imm. 7. "Nalliuttut" imatut paasineqarput ukiutoqaq, ukiortaaq, kunngit pingasut ulluat, sisamanngorneq erlinnartoq, tallimangorneq tannaartoq, poorskip ullua, poorskip aappaa, tussiarfissuaq, qilaliarfik, piinsi, piinsip aappaa, i, juulliaraq, juullerujussuaq, juullip aappaa.

Kapitali 2
Imigassaq pillugu akuersissut

§ 3. Imigassaq pillugu akuersissuteqarnani imigassanik aalakoornartortalinnik tuniniaanissaq imigassartitsinerluunniit inerteqqutaavoq.

Imm. 2. Kommunalbestyrelsi imigassaq pillugu akuersissuteqartartuuvoq.

Imm. 3. Imigassaq pillugu akuersissuteqartoqannginnerani suliaq ukununnga tusarniutigineqassaaq:

- 1) Kalaallit Nunaanni Politiit,
- 2) kommunimi meeqqat inuuusuttullu pillugit ingerlatsivik,
- 3) kommunimi peqqissuseq pitsaliuinerlu pillugit ingerlatsivik, aamma
- 4) immaqalu nunaqarfinni aqutsisut.

Imm. 4. Kalaallit Nunaanni Politiit akuersinerisigut siulittaasoq ataasiaannartumik atuuttussamik akuersissuteqarsinnaavoq.

Imm. 5. Kommunalbestyrelsimit ilaasortat tamarmik communalbestyrelsimit ilaasortaanermanni pissutsit ilisimalikkatik pillugit nipangiussisimasussaatitaapput.

Imm. 6. Kommunalbestyrelsi kinaassutsimik uppernarsaasiinermikkut ininik silamilu sumiiffinnik Inatsisartut inatsisaanni matumani suliffeqarfinnut ilaatinneqartunut atasunik misissuisinnaatitaapput. Kommunalbestyrelsip piumasaqarneratigut atortussat paasissutissallu akuersisummik pigisaqartumit tunniunneqassapput. Misissuisinnaatitaanermi init unnuiffissatut attartortinneqartut ilaatinneqanngillat.

§ 4. Inuit imigassaq pillugu akuersisummik tunineqarsinnaasut tassaapput:

- 1) 25-nik ukioqalereersimasut,
- 2) nammineersinnaassusiagaasimanngitsut imaluunniit aningaasaqarnerminnik nammineq aqutseqqusajunnaarsinneqarsimannngitsut,
- 3) suliffimmik illorsorneqarsinnaasumik ingerlatsisinnaanngitsuusut pissusilfersimannngitsutut isigineqarsinnaanngitsut,
- 4) § 8 malillugu akuersisummik tunniussinissamut akornutaasunik tunissutinik imaluunniit pisussaaffinnik tigusisimanngitsut,
- 5) pisortanut 100.000 koruuninik amerlanerusunilluunniit akiligassaareersunik akiitsoqanngitsut, aamma
- 6) akiliisinnaajunnaarsimasutut sullinneqanngitsut imaluunniit suliffeqarfimmik aaqqissusseqqinngitsut.

Imm. 2. Imigassaq pillugu akuersissut ingerlatseqatigiiffinnut taamaallaat tunniunneqarsinnaavoq:

- 1) ingerlatseqatigiiffiup akiliisinnaajunnaarnera imaluunniit aaqqissuuteqqinnejarnera pillugu suliaqartoqanngippat,
- 2) ingerlatseqatigiiffifik pisortanut 100.000 koruuninik imaluunniit amerlanerusunik pisortanut akiligassaareersunik akiitsoqanngippat,
- 3) § 8 malillugu akuersissutinik tunniussinissamut pissutsinik atuuttoqanngippat, aamma
- 4) ingerlatseqatigiiffiup qullersaqarfiani ilaasortat tamarmik siulersuisullu affaasa imm. 1-imi piumasaqaatinik equuutsitippata. Nutaat ilaasortanngortut imm. 1-imi piumasaqaatinik equuutsissapput. Ilasortat nikinnerannik nalunaarut allannguutip atuutsinnejalereranit kingusinnerpaamik ullut arfineq-marluk kingorna communalbestyrelsimit tunniunneqassaaq.

Imm. 3. Imm. 1-imik ukioqqortussutsimut piumasaqaat kommunalbestyrelsimit immikkut ittumik avaqqunneqarsinnaavoq.

Imm. 4. Piginneqatigiiffinni pisussaaffillit peqataasut tamarmik imigassaq pillugu akuersisummik pigisaqassapput.

Imm. 5. Peqatigiiffit, klubbit assigisaallu imigassanik imigassartitsinermut assingusumik sullissisut akuersisummik pigisaqassapput.

§ 5. Imigassaq pillugu akuersisummik pissarsiniarluni qinnuteqaatit suliarineranni kommunalbestyrelsip inooqatigiinnernut, torersuutitsineq pitsaliuinerlu eqqarsaatigalugit nalilissavaa ataatsimut isigalugu akuerineqarsinnaasumik imigassamik aalakoornartulimmik atuineq qulakkeerneqarsimanersoq. Tassunga atatillugu kommunalbestyrelsip makkua aamma isiginiassavai:

- 1) qinnuteqartup niuernermut piginnaaneri,
- 2) qinnuteqartup aningaasaqarnikkut atugai aningaasaqarnikkullu pilersaarutai,
- 3) suliffeqarfip inissismaffia, angissusia, inissitsitigaanera pissutsillu immikkut attuuttut, tassa suminngaanniit imigassanik aalakoornartortalinnik nioqquteqartoqarniarnera imaluunniit imigassartitsiniarneq, aamma
- 4) Isumaginninnikkut politiinullu tunngasut pillugit immikkut isummat.

Imm. 2. Taamaattorli kommunalbestyrelsip imm. 1, nr. 1-2 naapertorlugit mianerinninneq ilanngutissanngilaa, qinnuteqartut § 4, imm. 5 naapertorlugu qinnuteqartut pineqartillugit.

Imm. 3. Imigassaq pillugu akuersissutit ukiunut pingasunut atuuttussanngorlugit tunniunneqartassapput. Kommunalbestyrelsi piffissami sivikinnerusumi atuuttussanik imigassaq pillugu akuersissuteqarsinnaavoq.

Imm. 4. Piffissap akuersissuteqarfiusup naannginnerani imigassaq pillugu akuersissutip sivitsorneqarnissaanik qinnuteqaat tunniunneqarpat piffissallu akuersissuteqarfiusup naannginnerani piffissamik akuersissuteqarfiusumik nutaamik pissarsinissamik apeqqut inaarutaasumik aalajangiiffiqineqarsimangippat kommunalbestyrelsip aalajangiussinissaata tungaanut akuersissut atuutiinnassaaq, taamaattorli akuersissutip atorunnaarneranit sivisunerpaamik qaamatini pingasuni atuussinnaassalluni.

Imm. 5. Suliffeqarfip piginnittulluunniit atugai annertuumik allanngorpata piffissami akuersissuteqarfiusumi akuersissut pillugu communalbestyrelsi nutaamik isumaliutigineqarsinnaavoq.

Imm. 6. Imigassaq pillugu akuersisummik qinnuteqarnermi ilanngunneqassaaq imigassaq pillugu politikki, tamatumani imigassanik aalakoornartulinnik akisussaassusilimmik tuniniaanissaq imigassartitsinissarlunniit akuersisummik pigisaqartumit qanoq qulakkeerneqassanersoq nassuaatigineqassalluni.

Imm. 7. Makku imigassaq pillugu akuersisummik tunineqassappata Naalakkersuisut akuersinissaat piumasaqaataavoq:

- 1) inuit imigassanik aalakoornartortalinnik imigassaliortartut imaluunniit nioqquteqartartut, aamma

2) inuit ingerlatseqatigiiffinni il.il. qullersanut siulersuisunulluunniit ilaasortat aamma imigassanik aalakoornartortalinnik imigassaliortartut nioqquteqartartulluunniit.

§ 6. Imigassaq pillugu akuersissummi paassisutissat makku ilaatinneqassapput:

- 1) akuersissut kimut tunniunneqarnersoq,
- 2) akuersissutip sumut atuunnera,
- 3) akuersissut ininut qanoq ittunut atuunnersoq, aamma
- 4) akuersissummut atatillugu piumasaqaataasinnaasut

Imm. 2. Kommunalbestyrelsip akuersissutip assilinera Kalaallit Nunaanni Politiinut nassiatissavaa.

Imm. 3. Akuersissummik pigisaqartup akuersissutini tamanit takuneqarsinnaasunngorlugu inississavaa.

§ 7. Suliffeqarfimmik ulluinnarni aqtsineq akuersissummik piginnittup imaluunniit aqtsisup ingerlatissavaa.

Imm. 2. Aqutsisoq imigassaq pillugu akuersissummut piumasaqaatinik tak. § 4 eqquutitsissaq kommunalbestyrelsimillu akuerineqarsimassalluni.

Imm. 3. Aqutsisoq imigassaq pillugu akuersissummi piumasaqaatinik eqquutitsiunnaarpat aqtsisumut akuersissut atorunnaassaaq. Aqtsisumut akuersissut atorunnaarsinneqarpat akuersissummik pigisaqartoq qaammatip ataatsip qaangiutinnginnerani aqtsisussamik nutaamik toqqaasinnaavoq.

§ 8. Akuersissummik pigisaqartut aamma aqtsisut imigassaq pillugu akuersissummik pigisaqartut Naalakkersuisunit akuerineqqaartigatik imigassanik aalakoornartortalinnik imigassaliortartunit imaluunniit nioqquteqartartunit taarsigassarsisinnaanngillat, aamma pequtinik atorsinnaanngillat, aallaqqaatissatut akiliutinik imaluunniit nalinginnaasuunngitsumik akiitsunik pissarsisinnaanngillat.

Imm. 2. Akuersissummik pigisaqartut aamma akuersissummik aqtsisut Naalakkersuisunit akuerineqarnatik pisussaaffinnut akuersissanngillat, taakkua naammassineqarnissaat imigassanik aalakoornartortalinnik imigassaliortartunit imaluunniit nioqquteqartunit qularnaveeqquserneqarsimappata.

Imigassaq pillugu akuersissutit assigiinngitsut

§ 9. Imigassanik aalakoornartortalinnik tuniniaanissamut akuersissutit makku tunniunneqartarpot:

- 1) Sunilluunniit tuniniaaneq: Imigassanik aalakoornartortalinnik sunilluunniit tamanik tuniniaanissamut akuersissut.
- 2) 16 % tikillugu akulinnik tuniniaaneq: Imigassanik aalakoornartortalinnik 16 volumenprocent angullugu aalakoornartumik akoqartunik taamaallaat tuniniaasinnaanermut akuersissut.

3) 4,10 % tikillugu akulinnik tuniniaaneq: Imigassanik aalakoornartortalinnik 4,10 volumenprocent angullugu aalakoornartumik akoqartunik taamaallaat nioqquteqarsinnaanermut akuersissut.

§ 10. Imigassanik aalakoornartortalinnik imigassartitsisinnaanermut akuersissutit tassaapput:

- 1) Suussutsinik tamanik imigassartitsineq: Imigassanik aalakoornartortalinnik suussutsinik assigiinngitsunik tamanik imigassartitsisinnaanermut akuersissut.
- 2) 16 % tikillugu akulinnik imigassartitsineq: Imigassanik aalakoornartortalinnik 16 volumenprocent angullugu aalakoornartumik akoqartunik imigassartitsisinnaanermut akuersissut, tamatumani imigassalliissutigineqartoq ataaseq 16 volumenprocent angullugu kimittussuseqaqqusaanani.
- 3) 4,10 % tikillugu akulinnik imigassartitsineq: Imigassanik aalakoornartortalinnik 4,10 volumenprocent angullugu aalakoornartumik akoqartunik taamaallaat imigassartitsisinnaanermut akuersissut, tamatumani imigassalliissutigineqartoq ataaseq 4,10 volumenprocent angullugu kimittussuseqaqqusaanani.
- 4) Takornariat pillugit akuersissut: Imigassanik aalakoornartortalinnik suugaluartunilluunniit takornarianik imigassartitsisinnaaneq.

5) Ataasiaannartumik atuuttussamik akuersissut: Ataasiaannartumik tamanut ammasumik aaqqissuussamik ingerlatsinermi imigassartitsisinnaanermut akuersissut, tamatumani imigassalliissutigineqartoq ataaseq 16 volumenprocent angullugu kimittussuseqaqqusaanani.

Imm. 2. Ataasiaannartumik atuuttussamik akuersissummik qinnuteqarnermi akisussaassuseqartumik imigassartitsinissamut, aaqqissuussamik ingerlatsinermut aamma avatangiiserisanut inuiaqatigiinnullu akornusiisinnaanerit qanoq killilersimaarneqarnissaannut pilersaarummik ilanggussisoqassaaq. Aaqqissuussap ingerlanneqarnissaa kingusinnerpaamik ullunik marlunnik sioqqullugu imm. 1 malillugu ataasiaannartumik atuuttussamik akuersissutip assilinera kommunalbestyrelsip Kalaallit Nunaanni Politiinut nassutissavaa.

Imm. 3. Aaqqissuussap naleqquttumik ingerlanneqarnissaa siuarsarniarlugu piumasaqaateqarnissaq imaluunniit avatangiisinut inuiaqatigiinnullu akornusiisinnaanerit killilersimaarnissaat ataasiaannartumik atuuttussamik akuersissuteqarnissami piumasaqaatigineqarsinnaapput.

Imm. 4. Meeqqat inuusuttaaqqallu 18-it inorlugit ukiullit angajoqqaaminnit, angajoqqaatut nakkutilliisuminnit inummilluunniit allamit oqartussaasumit ukiukitsumut immikkut akisussaassuseqartumit aatsaat ingiaqateqarlutik ataasiaannartumik attuuttussamik akuersissuteqarluni aaqqissuussami peqataasinnaapput. Tamatumunnga akisussaaffik aaqqissuussisumit pisussaaffigineqassaaq.

Init aamma silami nunaminertat sassaalliuqarfiusut

§ 11. Inuussutissarsiutigalugu imigassanik aalakoornartortalinnik tuniniaaneq imigassartitsinerluunniit taamaallaat pisinnaapput inini silamiluunniit nunaminertani siunertamut naleqqussarneqarsimasuni aamma tamatumunnga akuerineqartumi.

Imm. 2. Annertungitsumik eqquutsinsinnginnerit kisimik pineqarpata kommunalbestyrelsi immikkut ittumik pissutissaqaqtillugu imm. 1 avaqqussinnaavaat. Immikkut ittumik akuersissutit akuersissummi allassimassapput.

Imm. 3. Takornariat pillugit akuersissutit ataasiaannartumillu atuuttussamik akuersissutit imm. 1-imi ilaatinneqanngillat.

Imm. 4. Naalakkersuisut imigassanik aalakoornartortalinnik tuniniaavinni imaluunniit imigassartitsisarfinni init, silami nunaminertat assigisaasalu ilusilorsorneqarnerannut atorneqarnerannullu maleruaqqusaliorsinnaapput.

Imigassaq pillugu akuersissutip atorunnaarnera arsaarinnissutigineqarneralu

§ 12. Imigassaq pillugu akuersissut atorunnaassaaq:

- 1) akuersissummik pigisaqartoq toqukkut qimaguppat,
- 2) akuersissutip atuuffia naappat nutarterneqarnissaanillu qinnuteqaat kommunalbestyrelsimit tunniunneqarsimanngippat,
- 3) akuersissummik piginnittoq nammineersinnaassusiagaasimappat imaluunniit aningaasaqarnerminnik nammineq aqutseqqusajunnaarsinneqarsimappat, imaluunniit
- 4) akuersissummik pigisaqartoq, qullersat siulersuisunulluunniit ilaasortat affaat pisortanut 100.000 koruuninik imaluunniit amerlanerusunik pisortanut akiligassaareersunik akiitsoqarpata imaluunniit akiliisinnaajunnaartutut sullinneqarpata.

Imm. 2. Imigassaq pillugu akuersissummik pigisaqartup toqukkut qimagussimasup apparisaata imigassaq pillugu akuersissummut piumasaqaatinik tak. § 4 eqquutsitsiguni akuersissut pisinnaavaa.

Imm. 3. Kommunalbestyrelsimit nalunaaruteqarnerup kingornatigut imm. 1 naapertorlugu atorunnaarsitsinissaq siunertaralugu ukioq ataaseq angullugu kinguartitsisoqarsinnaavoq.

§ 13. Imigassaq pillugu akuersissut kommunalbestyrelsimit utaqqiisaagallartumik arsaarinnissutigineqarsinnaavoq akuersissummik pigisaqartup aqtsisulluunniit suliaminik isumannaatsumik ingerlatsinngitsutut imaluunniit Inatsisartut inatsisaanni matumani piumasaqaatit eqquutsinnejnangitsutut isigineqarsinnaappata.

§ 14. Imigassaq pillugu akuersissummik pigisaqarsinnaaneq eqqartuussisutigut arsaarinnissutigineqarsinnaavoq akuersissummik pigisaqartoq imaappat:

- 1) imigassaq pillugu akuersissummi piumasaqaatinik annertuumik imaluunniit arlaleriarluni unioqqutitsisimaguni,

- 2) Inatsisartut inatsisaanni matumani aalajangersakkanik annertuumik imaluunniit uteqqiattumik, imaluunniit najoqqtassanik Inatsisartut Inatsisaata matuma malitsigisaanik saqqummiunneqarsimasunik unioqqutitsisimaguni, imaluunniit
- 3) Kalaallit Nunaanni pinerluttulerinermi Inatsimmik, Kalaallit Nunaanni sakkut pillugit inatsimmik, aanngajaarniutit pillugit inatsimmik, imaluunniit akileraartaarneq akitsuutillu pillugit inatsisinik unioqqutitsisimaguni.

Imm. 2. Sulianik arsaarinnissuteqarnermut tunngasunik aalajangersaaneq eqqartuussivinnit aalajangerneqassaaq.

§ 15. Imigassaq pillugu akuersissut atorunnaarsitsineqarpat, arsaarinnissutigineqarpat imaluunniit eqqartuussisutigut arsaarinnissutigineqarpat akuersissummik pigisaqartup akuersissut ingerlaannartumik communalbestyrelsimit utertillugu nassutiissavaa.

Imm. 2. Akuersissummik pigisaqartoq akuersissummik arsaarneqartoq imigassaq pillugu akuersissut pillugu aalajangersakkat nalinginnaasut malillugit akuersissummik nutaamik qinnuteqarsinnaavoq.

Imm. 3. Atorunnaarsitsisoqartillugu arsaarinnissimasoqartilluguluunniit communalbestyrelsi Kalaallit Nunaanni Politiinut nalunaaruteqartassaaq.

Kapitali 3

Akuersissummik pigisaqartup pisussaaffii pillugit aalajangersakkat

§ 16. Akuersissummik pigisaqartup imaluunniit taassuma sulisui sullitat imigassanik aalakoornartortalinnik imeqatigeqquaanngilaat.

§ 17. Imeq nililik saqqumitinneqassaaq isersimasunit akeqanngitsumik atugassanngorlugu.

§ 18. Akuersissummik pigisaqartut imigassanillu aalakoornartortalinnik imigassaliortartut tamarmik paasititsiniaanerni Naalakkersuisunit aallartinneqartuni peqataasussaatitaapput.

Kapitali 4

Imigassanik aalakoornartortalinnik tuniniaaneq imigassartitsisarnerlu

§ 19. Inunnut takuneqarsinnaasumik aalakoortunut imigassanik aalakoornartortalinnik tuniniaaneq imaluunniit imigassartitsineq inerteqqutaavoq.

Imm. 2. Akuersissummik pigisaqartoq imm. 1-imi inerteqqutaasutut taaneqartoq pillugu pisistunut takuneqarsinnaasunngorlugu allagarsiisimassaaq.

§ 20. Imigassanik aalakoornartortalinnik inunnut 18-it inorlugit ukiulinnut tuniniaaneq imaluunniit imigassartitsineq inerteqqutaavoq.

Imm. 2. Akuersissummik pigisaqartoq imm. 1-imi inerteqqutaasutut taaneqartoq pillugu pisistunut takuneqarsinnaasunngorlugu allagarsiisimassaaq.

Imm. 3. Akuersissummik pigisaqartup imaluunniit tuniniaanermik imaluunniit imigassartitsinermik ingerlatsisup akisussaaffigaa qulakkiissallugu imm. 1-imi qassnik ukioqarnissamut aalajangersakkap upternarsaasertinnissaa.

Imm. 4. Nal. 20.00-ip kingorna inuuusuttut 18-it inorlugit ukioqartut angajoqqaamik, angajoqqaatut akisussaasumik imaluunniit inersimasumik inuuusuttumut immikkut akisussaassuseqartumik ingiaqateqanngikkunik neriniartarfinnut aamma allanut imigassanik aalakoornartortalinnik imigassartitsisarfinnut iserteqqusaanngillat. Akuersissummik pigisaqartup aamma taassuma sulisuisa pisussaaffigaat inuuusuttup 18-it inorlugit ukioqartup piumasarineqartutut ingiaqatigisaqarnera nakkutigissallugu.

§ 21. Akuersissummik pigisaqartup imigassat tamarmik akiisa allattorsimaffii inimi pisisartunit takuneqarsinnaasumut inississavai.

§ 22. Inuit 18-it inorlugit ukiullit imigassanik aalakoornartortalinnik tuniniaanermik imaluunniit imigassartitsinermik suliaqartinnissaat inerteqqutaavoq.

§ 23. Imigassartitsisarfiit imigassanik aalakoornartulinnik annissassanik tuniniaaqqusaaanngillat.

Imm. 2. Umiarsuit umiarsualivinniittut ilaasorinngisaminntut imigassanik aalakoornartortalinnik tuniniaaqqusaaanngillat imaluunniit imigassartortitseqqusaaanngillat.

§ 24. Akuersissummik pigisaqartup pisussaaffigaa qulakkiissallugu imigassanik aalakoornartulinnik tuniniaanermik aamma imigassartitsinermik akuersissummik pigisaqartup sulisitarisami tamarmik akisussaassuseqartumik imigassanik aalakoornartortalinnik tuniniaanermut aamma imigassartitsinermut pikkorissarneri peqataasimanissaat.

Piffissat tuniniaaqqusaaaffiit imigassartortitseqqusaaaffiillu

§ 25. Imigassanik aalakoornartortalinnik tuniniaaneq pisinnaavoq:

- 1) Ataasinngornermit tallimannngornermut nal. 09.00-imit 18.00-imut.
- 2) Arfininngornermi nal. 11.00-imit 15.00-imut.

Imm. 2. Sapaatini nalliuttunilu kiisalu imigassanik aalakoornartulinnik tuniniaasoqaqqusaaanngilaq.

§ 26. Imigassanik aalakoornartortalinnik imigassartortsineq pisinnaavoq:

- 1) Ataasinngornermit sisamanngornermut 12.00-imit 24.00-imut.
- 2) Tallimannngornermi aamma arfininngornermi nal. 12.00-imit 03.00-imut.
- 3) Sapaatini nalliuttunilu 12.00-imit 24.00-imut.

Imm. 2. Ataasiaannartumik atuuttussamik akuersissutit pineqartillugit nal. 12.00-imiit 24.00-imut imigassartitsisoqarsinnaavoq. Kommunalbestyrelsip tallimannngornerni

arfininngornernilu nal. 03.00 tikillugu imigassartortitsisoqarsinnaanera immikkut
akuersissutigisinnaavaa.

Imm. 3. Imm. 1-im iamma 2-mi aalajangersakkat apeqqutaatinnagit juulliaqqami,
juullerujussuarmi aamma juullip aappaani imigassanik aalakoornartortalinnik
imigassartortitsisoqausaannngilaq.

Imm. 4. Naalakkersuisut imigassanik aalakoornartortalinnik imigassartortitsineq pillugu
sukumiinerusunik malittarisassiorsinnaapput takornarianillu sullissinermi imigassanik
aalakoornartortalinnik sassaalliuteqarnissamut imigassartotsinermi piffissanik immikkut
ittunik aalajangersaasinhaapput, tamatumani imm. 1-im i, 2-mi aamma 3-mi aalajangersakkat
maleruarneqanngillat.

Imm. 5. Imigassartortitsisarfiit piffissap imigassartotsifiusinnaasup qaangiunnerata
kingornatigut nalunaaquattap akunnera ataaseq tikillugu ammatinneqarsinnaapput.

Imigassanik ussassaarisarneq

§ 27. Imigassat aalakoornartortallit pillugit ussassaarineq, allagarsiussineq allatulluunniit
ussassaarineq inerteqqutaavoq.

Imm. 2. Tamatumunnga taarsiullugu meqqit, saqqarmiuusat, ilisarnaatit takussutissalluunniit
allat atuisup imigassanik aalakoornartulinnut tunngassuteqartutut paasisinnaasai atornerisigut
inerteqqut avaqqunneqausaannngilaq.

Imm. 3. Imigassanik aalakoornartulinnik akeqanngitsumik agguaneq inerteqqutaavoq.

Imm. 4. Niuertarfinni imigassartortitsisarfiillu iluini ussassaarisinnaaneq imm. 1-im iamma
2-mi inerteqqummut ilaatinneqanngilaq.

Imm. 5. Tusagassiorfiit nunanit allaneersut imm. 1-im iamma 2-mi inerteqqummut
ilaatinneqanngillat.

Imigassat aalakoornartortallit niuertarfinni assiaquusersorneqarnissaat

§ 28. Imigassat aalakoornartortallit pisiniarfimmi nioqqutissanut allanut akuutinnagit
assiaquusersorneqassapput.

Imm. 2. Pisiniarfinni imigassat aalakoornartortallit assiaquusersorneqarnissaat
inisisimaffissaallu pillugit maleruagassanik sukumiinerusunik Naalakkersuisut
aalajangersaasinhaapput.

Automatit atorlugit tuniniaaneq

§ 29. Automatit atorlugit imigassanik aalakoornartortalinnik tuniniaaneq imaluunniit
imigassartortitsineq inerteqqutaavoq.

Kapitali 5

Imigassanik aalakoornartortalinnik imigassaliorneq

§ 30. Nammineq atugassanik imigassanik aalakoornartortalinnik immiorneq inerteqqutaavoq.

Imm. 2. Immiassanik (malt), sungarnitsussanik (humle) aamma tangernik qalaatanik nammineq atugassanik eqqussineq inerteqqutaavoq.

Kapitali 6

*Eqqissiviilliornerit aamma sioorasaarisutut pissusilersonerit
Matulerisut*

§ 31. Imigassortitsisarfinni nal. 23.00-ip kingornatigut imigassortitsisuni inunnik matulerisutut nakkutilliisussanik sulisoqassaaq.

Imm. 2 Inuit 18-it inorlugit ukioqartut neriniartarfinni allanilu imigassortitsisarfinni matulerisutut sulisoreqqaanngillat.

Imm. 3. Matulerisunik ilinniartitsinissamut piumasaqaatinik maleruaqqusanik Naalakkersuisut aalajangersaasinnaapput.

Aalajangersakkat immikkut ittut

§ 32. Politiit inuit, imigassortitsisarfimmi isersimanerminni pinerluttuliorermik iliuuseqarsimasut imigassortitsisarfinni aalajangersimasuni isersimasinnaanerat inerteqqutigisinnaavaat.

Imm. 2. Taamatuttaaq imigassortitsisarfimmi pissutsit immikkut ittut pissutigalugit meeqqat inuusuttullu isersimanissaat naleqqutinngippat politiit imigassortitsisarfiiq peqqusinnaavaat 18-it inorlugit ukiulinnik isersimasoqartassanngitsut.

§ 33. Pisariaqartutut nalilerneqarpal politiit sukkulluunniit eqqartuussisunit akuersissummik pigisaqarnatik ininut aamma silami nunaminertanut suliffeqarfinnut Inatsisartut Inatsisaanni matumani pineqartunut atasunut isersinnaatitaapput. Tamannali sinittarfinnut unnuiffissatut attartortinnejartunut atuutinngilaq.

§ 34. Sumiiffinni imigassanik aalakoornartortalinnik tuniniaaffiusuni imaluunniit imigassortitsiffiusuni kikkunnit tamanit orninneqarsinnaasuni inerteqqutaavoq tamat ornittagaanni eqqissiviillioritsinermik imaluunniit allanut tamatumaniittunut imaluunniit eqaani najugaqartunut akornusersuutaasumik kinguneqarsinnaasutut nalilerneqarsinnaasumik nipiliorluni, nakuuserluni, narrunarsaalluni imaluunniit taamaaqataanik ileqqulersorneq.

Imm. 2. Arlaannit imm. 1-imni taaneqartut unioqqutinneqarpata, taava akuersissummik piginnittooq imaluunniit taassuma sinniisaa pissutsinik uparuaassaaq pisariaqarpallu pineqartoq qimagutitillugu imaluunniit politiinik aggeqqusilluni.

§ 35. Tuniniaavimmi imaluunniit imigassartitsiffimi paggittoqarsimappat imaluunniit malunnartumik eqqissiviilliortoqarsimappat, taava politiit naalakkiutigisinnaavaat sumiiffik piffissap ammasarfiup sinnerani matoqqassasoq.

Imm. 2. Politiit matuseqqusisimanertik ullormi nalinginnaasumi siullermi kommunalbestyrelsimit nalunaarutigissavaat.

§ 36. Politiit nalileruniku tuniniaasarfimmi imaluunniit imigassartitsisarfimmi nakuusernermik pissusilfersortoqarsinnaanera immikkut aarlerinaateqartoq nakuusernerup ajoquusernissallu aarlerinassusiat annikillisinniarlugu suliffiup ilusilfersornera pequsersorneralu pillugit peqqussuteqarsinnaapput.

Imm. 2. Imm. 1 tunngavigalugu peqqussuteqarnermi politiit peqqusummik maleduaanissamik piffissaliillutik aalajangersaasinnaapput.

Imm. 3. Peqqussut imm. 1 aamma 2 naapertorlugu piffissarititaasup aalajangersarneqarsimasup iluani malinneqanngippat, politiit kommunalbestyrelsimit inassutigissavaat akuersissutip arsaarinnissutigineqarnissaa, peqqussutip malinneqarnissaata tungaanut. Tamatumunnga ilutigitillugu politiit akuersissut arsaarinnissutigallarsinnaavaat kommunalbestyrelsi aalajangersaanissaata tungaanut.

Kapitali 7

Imigassaq pillugu politikki

§ 37. Pisortat aamma namminersortut suliffeqarfiataat sulisunik atorfekartitaqartut tamarmik peqquneqarput imigassaq pillugu politikkilioqqullugit.

Kapitali 8

Imigassaq Ikiaroornartullu pillugit Siunnersuisoqatigiit

§ 38. Imigassaq ikiaroornartullu pillugit apeqqutinut nalinginnaasunut atatillugu Imigassaq Ikiaroornartorlu pillugit Siunnersuisoqatigiinnik Naalakkersuisut pilersitsissapput.

Imm. 2. Naalakkersuisut siunnersuisoqatigiit pillugit sukumiinerusunik malittarisassiorsinnaapput.

Kapitali 9

Nakkutilliineq aamma Naalakkersuisunut allanullu piginnaatitsissutit

§ 39. Naalakkersuisut imaluunniit tamatumunnga piginnaatinneqartut Inatsisartut inatsisaat malinneqarnersoq nakkutigissavaat.

Imm. 2. Naalakkersuisut imaluunniit tamatumunnga piginnaatinneqartut eqqartuussivimmit akuersissuteqarfigineqaqqaaernatik kinaassutsimik takutitsinermikkut ininut silamilu sumiiffinnut suliffeqarfinnut imigassaq pillugu akuersissummut ilaasunut isersinnaatitaapput. Isersinnaatitaanermili tamatumani ilaatinneqanngillat sinittarfiit unnuiffissatut attartortinneqartut.

Imm. 3. Nakkutilliinissaq pillugu maleruaqqusanik sukumiinerusunik Naalakkersuisut aalajangersaasinjaapput.

§ 40. Naalakkersuisut imigassaq pillugu akuersissutinik tunniussinermik imaluunniit nutarterinermik suliarinninnernut akiliutissanik aalajangersaasinjaallutilu akileeqqusisinjaapput. Akiliutit Nunatta Karsianut nakkartinneqassapput.

Imm. 2. Akiliutissat annertussusissaat akilersinniarneqarnissaalu pillugit Naalakkersuisut sukumiinerusunik malittarisassiorsinjaapput.

§ 41. Inatsisartut Inatsisaata matuma aalajangersagartai allat apeqquataatinnagit Naalakkersuisut, kommunalbestyrelsimit imaluunniit nunaqarfimmi aqutsisunit inassuteqaat naapertorlugu, najukkami imaluunniit nuna tamakkerlugu innuttaasunit taasitsinerup inernerera tunngavigalugu, imaluunniit imigassat aalakoornartortallit meeqqat isumagineqarnerannut imaluunniit innuttaasut isumannaatsuunissaannut navianartorsiortitsippat imigassanik aalakoornartortalinnik tuniniaanermut imigassartitsisarnermullu malittarisassianik aalajangersaasinjaapput, taamaasillugu innuttaasut imigassanik aalakoornartortalinnik pisinnaanerat killilerlugu unitsilluinnarluguluunniit.

Imm. 2. Imm. 1-imi malittarisassat nuna tamakkerlugu atuuttussanngortinnejarsinjaapput imaluunniit nunap immikkoortuanut aalajangersimasumut taamaallaat atuuttussanngortinnejarsinjaallutik.

Imm. 3. Naalakkersuisut sumiiffinni komuneqarfiiit aggorerisa avataanniittuni imigassaq pillugu akuersissuteqartarnerit arsaarinnissuteqartarnerillu pillugit malittarisassanik aalajangersaasinjaapput.

Imm. 4. Naalakkersuisut umiarsuarni imigassanik aalakoornartortalinnik tuniniaanermut imigassartitsinernullu tunngasunik malittarisassanik aalajangersaasinjaapput.

Kapitali 10 *Aalajangiinerit pillugit naammagittaalliorneq*

§ 42. Inatsisartut Inatsisaat manna tunngavigalugu communalbestyrelsip aalajangiineri Naalakkersuisunut ingerlatinnejarsinjaavoq.

Imm. 2. Naammagittaalliat Naalakkersuisunit tiguneqareersimassaaq aalajangiinerup naammagittaallortumit nalunaarutigineqarneranit kingusinnerpaamik sapaatit akunneri sisamat qaangiutsinnagit.

Imm. 3. Imm. 1 naapertorlugu Naalakkersuisut allatut aalajangersaanngippata, Naalakkersuisunut naammagittaalliorneq saqqummiunneqarpat, kinguartitsinermik kinguneqarsinjaanngilaq.

Imm. 4. Naalakkersuisut aalajangiussaat oqartussaasut allaffeqarfiiinut allanut ingerlateqqinnejarsinjaanngillat.

Kapitali 11

Pineqaatissiissutissanut il.il. aalajangersakkat

§ 43. Pillaammik akiliisitsinermik pineqaatissiisoqassaaq uku unioqqutinneqarpata § 3, imm. 1, § 7, imm. 1, § 8, § 11, imm. 1, § 15, imm. 1, § 16, § 17, § 18, § 19, imm. 1 aamma 2, § 20, § 21, § 22, § 23, § 24, § 25, § 26, imm. 1, 2, 3 aamma 4, § 27, imm. 1 aamma 3, § 28, imm. 1 § 29, § 30, § 31, imm. 1 aamma 2, § 34, aammattaaq § 37. Taamatuttaaq pillaammik akiliisitsinermik pineqaatissiisoqassaaq § 32-p malitsigisaanik inerteqquummik unioqqutitsisunut kiisalu § 35, imm. 1-ip aamma § 36, imm. 1-ip malitsigisaanik peqqussummik malinnikkumanngitsunut.

Imm. 2. Peqqussutini Inatsisartut Inatsisaata matuma malitsigisaanik saqqummersinneqartunik aalajangersaasoqarsinnaavoq peqqussummi aalajangersaakkanik unioqqutitsisut pillaammik akiliisitsinermik pineqaatissiisoqarnissaa.

Imm. 3. Imigassat aalakoornartortallit angerlarsimaffinni immiukkat aamma atortussat imigassanik aalakoornartortalinnik angerlarsimaffinni nalinginnaasumik atorneqartartut § 30 naapertorlugu arsaarinnissutigineqarsinnaapput.

Imm. 4. Inatsisartut Inatsisaani imaluunniit peqqussutini Inatsisartut Inatsisaata malitsigisaanik saqqummiunneqartuni pillaammik akiliisitsinermik tunngavissaqartitsillugu, taava pillaammik akiliisitsineq inatsisitigut pisinnaatitaasoq pisussaatitaasorlu pillaammik akiligassamik akiliisussanngortinnejqarsinnaavoq Kalaallit Nunaanni pinerluttulerinermi Inatsit naapertorlugu.

Imm. 4. Pillaammik akiliisitsinermi imm. 1, tunngavigalugu akiliutigineqartut imaluunniit arsaarinnissutigineqartut Nunatta Karsianut nakkartinneqassapput.

Kapitali 13

Atortuulersitsinermut aamma ikaarsaariarnermi aalajangersakkat

§ 44. Inatsisartut Inatsisaat manna atuutilerpoq ulloq 1. marts 2018.

Imm. 2. Tamatumunnga ilutigitillugu imigassanik aalakoornartortalinnik nioqquteqartarneq sassaallertarnerlu pillugit Inatsisartut Inatsisaat nr. 11, 11. november 2000-imeersoq atorunnaarsinneqarpoq.

Imm. 3. Imigassanik aalakoornartortalinnik tuniniaaneq imigassartitsisarnerlu pillugit Inatsisartut Inatsisaat kingusinnerusukkut allannguuteqartut tunngavigalugit allaffissornikkut malittarisassat atulersinneqarsimasut atorunnaarsinneqarnissamik tungaanut atuutiinnassapput.

Imm. 4. Imigassaq pillugu akuersissutit Inatsisartut Inatsisaata atuutilerfia sioqqullugu tunniunneqarsimasut piffissaq atuuffimmik naanissaasa tungaanut imaluunniit Inatsisartut Inatsisaat manna tunngavigalugu atorunnaarsitsineqarnissamik, arsaarinnissutigineqarnissamik imaluunniit eqqartuussisutigut arsaarinnissutigineqarnissamik tungaanut atuutissapput.

§ 45. Inatsisartut Inatsisaat manna Kalaallit Nunaata illersorneqarnissaa pillugu 27. april 1951-imi Isumaqtigiissutigineqarsimasoq kingusinnerusukkullu allannguuteqartinneqartoq tunngavigalugu sumiiffinnut sakkutooqarfinnut atuutinngilaq.

Namminersorlutik Oqartussat, ulloq xx. xxx 2018

Kim Kielsen